

梁溪先生文集

十



梁谿先生文集

文  
卷之七

梁谿先生文集卷第

表劄奏議

具荆湖南北路已見利害奏狀

乞留程昌禹依舊知鼎州奏狀

乞措置招捕虔州贖賊奏狀

乞令韓世忠不拘路分前去廣東招捕曹成奏狀

乞令韓世忠相度入廣西招捕曹成奏狀

具荆湖南北路已見利害奏狀

今具荆湖南北路招捕盜賊拊循歸業之民經營控禦措置錢糧已見利害下項

一准福建江西荆湖南北路宣撫使司關荆湖南路馬友約六萬餘人馬數千疋船數千隻見在潭州李宏約一萬餘人見在岳州曹成約十萬餘人見在道州劉忠約一萬餘人見在岳州平江潭州瀏陽界出沒作過胡元奭三千餘人見在茶陵界上李冬至餘黨五千餘人見在郴連界上荆湖北路楊華約一萬餘人雷進約八千



餘人劉超一萬二千餘人見在鼎澧州界已上約二十餘萬人其餘接境去處千百為羣又不在此數盜賊之衆如此非得重兵制御彈壓使之畏威不敢猖獗然後可以招納為用而遽欲以恩意姑息懷之臣未見其可也今福建江西荆湖宣撫司臨以重兵理當聽命訪聞馬友一項人馬即日見在潭州視諸處頭項頗為循理宜先次招納稍加旌賞以勸其餘劉忠一項人馬號白氈笠即日見在岳鄂潭袁諸處界上

泊出沒作過自知罪大不能自新嘗於旗上有永不伏招安之語此一項最為桀黠猖獗數州之民皆被其害宜先次討蕩使其餘知所懲創胡元奭一項已為提刑呂祉會合殺散劉超一項已為鼎州帥臣程昌禹遣兵逼逐出境未知所向自餘李冬至鍾相餘黨楊華雷進逐項賊火招納討定當隨宜措置外惟曹成一項狡獪慘酷尤甚屢招屢叛所至以人為糧靡有噍類即自見已起離道州侵犯廣西賀州界分緣廣

南州縣素無城郭人兵孱弱深慮東虛遠引爲  
二廣之患宜先遣曉事官吏使齎 朝廷所降  
勅榜黃旗金字牌前去撫諭示以禍福許之自  
新如聽伏招納即依金字牌上 聖旨處分將  
所被虜及老不堪披帶人經所屬給據放散外  
其實堪披帶出戰人結成隊伍並聽宣撫司使  
喚具首領姓名推恩外其首領理須撥隸諸將  
下隨材錄用不堪披帶出戰尚堪執役之人合  
刺充廂軍分隸諸州其揀選老弱不堪執役之

人給公據放散如係東北人無業可歸合就近  
分送州縣居住將天荒戶絕拋棄逃亡係官田  
土措置給與耕種借貸種糧務令存恤得所昔  
東晉朝北方流人皆置僑寓州軍以處之蓋流  
人與土著盜賊不同放散則無所歸又須結集  
爲盜全藉州縣官用心循拊自當復爲良民伏  
乞 朝廷更賜詳酌指揮其李宏一項元隸馬  
友今已將帶一行人馬擅往岳鄂亦乞依此施  
行如不伏招納依舊作過即乞多發兵將會合

掩殺以殄滅爲期如此則荆湖盜賊不踰時可  
定緣臣所得 聖旨指揮令相度由廣東前去  
之任因令撫定廣南州軍見已具奏申明若自  
廣南前去即荆湖事無由措置深慮有失機會  
伏望 聖慈特降 睿旨作 朝廷行下付福  
建江西荆湖路宣撫司密切措置施行

一勘會荆湖南北路州縣居民近年以來初遭鍾  
相孔彥舟作過遷徙失業重以馬友曹成李宏  
劉忠劉超揚華雷進十數頭項蹂踐搔擾民不

聊生湖南潭衡全邵道永郴桂陽湖北岳鄂鼎  
澧并屬縣等例皆殘破民居存者百無一二田  
土荒蕪財穀匱乏將來盜賊平定之後若不極  
意招集料理使之歸業墾闢耕鑿以望歲豐則  
破殘州縣卒未就緒欲乞 朝廷特降 敕榜  
曉諭應歸業之民委實曾經兵火不曾種蒔去  
處與免將來文苗租稅無力耕種貧不能自存  
者官貸種糧隨物力筭第約度數目支給候將  
來成熟隨料回納入官逐州見今起發上供錢

絹銀等委是無從而出特與權免一次檢踏田  
土支散錢糧官吏奉行不得滅裂搔擾重實  
法務今實惠及民使一方曉然知 朝廷德意  
所在契勘荆湖土地沃衍最爲出產穀米財物  
去處止緣累年盜賊失於措置遂至凋弊 朝  
廷稍寬目前之急不惜賑貸之費假以年歲間  
漸次復舊國用何患不饒如合 聖意伏乞特  
降指揮施行

一荆湖之地縣數千里南通二廣西引四川北控

三、子、

四、六、五、一、

五

去、

襄漢東接江淮自昔號爲上流諸葛亮謂之用  
武之國今 朝廷保有東南制御西北荆湖諸  
郡如鼎澧岳鄂連荆南一帶皆當屯宿重兵倚  
爲形勢使四方之號令可通襄漢之聲援可接  
乃有恢復中興之漸今福建江西荆湖路宣撫  
使司之兵將來平定盜賊之後復還 行在臣  
畫一內依所降指揮踏逐乞兵不滿萬人若到  
本路兼得岳飛吳玠韓京吳錫等兵方能僅及  
二萬之數分屯布徠沿江要害去處深慮不足



伏望 聖慈許臣候到本路相度形勢圖上方  
略別行申請

一契勘荆湖兩路當盜賊兵火之後物力大屈今  
來養贍官吏軍馬賑貸歸業之民修治官府城  
壁器仗之類百色用度並皆未有指擬去處

朝廷欲以二廣經理荆湖固為得策然廣南素  
號薄瘠米穀不多財用窶乏加以比年應副

朝廷須索尤覺困匱借使竭力剗刷所有幾何  
今又盜賊未弭道路不通卒未可以那移應副

二十八

四六八

八

十一

近准尚書省劄子許於吉州權貨務支銀一萬  
兩錢一萬貫此但可以支目前之用若要支吾  
年歲間非於江西鄰近湖南州郡權宜應副決  
不能有濟伏望 聖慈特降 眷旨令於筠袁  
虔吉等州應副米十萬石於轉運司及吉州權  
貨務應副銀五萬兩錢十萬貫接續支使庶幾  
不致闕誤

右謹錄奏聞伏望 勅旨

乞存留程昌禹依舊知鼎州奏狀

右某准尚書省劄子節文二月二十七日三省樞密院同奉 聖旨荆湖東西路依舊為荆湖南北路逐路州軍除分鎮縣餘並依舊制內湖南依舊潭州置帥李某兼本路安撫使餘依已降指揮湖北於鄂州置帥劉洪道除徽猷閣直學士差知鄂州充荆湖北路安撫使程昌禹罷湖西安撫其所管軍馬盡數交割與劉洪道訖發來赴 闕臣契勘荆湖北路為鍾相孔彥舟劉超雷進楊華等盜賊連年殘破殺戮官吏所餘無幾除辰沅靖州係深入溪峒州軍外惟鼎州昨帶湖西路安撫使係右朝散郎直龍圖閣程昌禹在任二年措置討捕楊么楊華鍾相餘黨殺敗劉超逼逐出境招納彭筠六千餘人一方粗定頗見宣力今來有指揮罷赴 行在雖遠方不知事因詢之衆論以謂昌禹在鼎州實有功效別擇守臣未必能知首尾或致誤事兼契勘荆湖北路安撫司移就鄂州其鼎州舊帶鈐轄如劉洪道知鄂州充湖北路安撫使程昌禹知鼎州充湖北路兵馬鈐轄聽受節制自不相妨伏望 聖慈特降 眷旨且令昌禹依舊

在任如已差官亦乞別降指揮施行

乞措置招捕虔州鹽賊奏狀

右臣准尚書省劄子節文四月七日三省同奉 聖旨令李其將帶軍馬疾速起發依已降指揮相度由汀道州就令撫定廣東經過州軍前去之任臣已依稟 聖旨行下廣東州軍勘會見今盜賊數目屯泊作過去處措置招捕外訪聞廣東盜賊一項犯南雄英韶等州一項犯循梅惠等州動以萬計殘破諸縣殺害平民皆是虔州諸縣平時般販私鹽之人其初

三十一

八

共八

千百為羣入廣東界虜掠牛畜財物之類巡尉弓兵不切用心捉殺使之厚有所得而歸復為平民虔州守令亦不誰何累歲如此浸淫不制今年遂至有萬餘衆入南雄英韶者圍郡城劫岑水場而去入循惠者破龍川長樂興寧河源博羅等縣直抵循惠城下至今猶未復歸巢穴原其所以致此皆由州縣弛慢之故今若欲鋤其根本須就虔州措置掃蕩巢穴誅其首惡乃可懲文臣見具奏申明經由道路如蒙朝廷依臣畫一內所乞踏逐數項兵七八千人可以

由廣東前去即乞許臣到虔州官吏兵將並權聽臣  
節制庶幾可以施設方略治其本源下流自然無患  
如令 聖意伏乞特降 睿旨施行

乞令韓世忠不拘路分前去廣東招捕曹

### 成奏狀

據廣南東路安撫使林適四月空日劄子節文契勘  
曹成賊馬三月二十九日自道州侵犯臨賀遣兵四  
出見屯兩路要害去處本路兵力單少素不練習西  
路尚有洞丁刀弩手可用至如東路槍杖手名籍雖

三十一

分五

存其實農夫豈可出戰除已逐急發兵控守關扼然  
賀州勢在上流南入連英東下封康不數日便至番  
禺今來封連探報事愈危急准樞密院劄子差高舉  
一頭項兵應援二廣並未見入界除已統率人兵旦  
夕就道至封康以來防遏外乞撥高舉人兵星夜前  
來應援庶幾保全二廣又據廣南東路轉運判官章  
傑四月十四日申探報曹成賊馬分作三頭項透入  
賀州富川縣侵犯賀州殺人放火劫虜人民賊勢浩  
瀚乞催發高舉人馬兼程前來會合捉殺免致奔衝

又據廣南東路轉運判官章傑四月十四日申探報  
曹成賊馬四月初三日乘牌船過水東入賀州放火  
燒本州敵樓戰棚及居民屋宇等賀州知州及本州  
官盡出州城下水前去乞速差兵前來救援又據廣  
南東路轉運判官章傑四月十六日申據廣州懷集  
縣申四月初一日曹成賊馬侵犯縣界令佐等將帶  
弓級保甲槍手等前去迎敵賊衆浩瀚勢力不加遂  
致潰散其賊兵直衝突占據本縣廣州事勢危急乞  
催發高舉人兵疾速前來應援者

六瑤

右臣所據廣南東路安撫使林通轉運判官章傑公  
文探報曹成賊馬次第備錄在前契勘臣昨准尚書  
省劄子除臣荆湖廣南路宣撫使於韓世忠下撥高  
舉一項兵馬八千餘人聽臣節制續准指揮改差任  
仕安將帶所部軍馬隨逐前去之任其任仕安下人  
兵元管二千 百餘人又爲福建路安撫司陳乞統  
領官陳照馬准下一千五百餘人存留福建其餘止  
有一千二百餘人委是單少臣以見具奏辭免 恩  
命未敢申陳今來蒙 恩差入內內侍省西頭供奉

官于蓋前來降賜

光廟嫌諱

遣就道臣仰迫

天威已祗

受告命擇日開司朝夕啓行今據廣東路官司申報曹成賊馬已破賀州占據懷集縣係廣州屬縣事勢委是危急帥臣林適稱親自率兵前去封康州防托切慮未足倚仗其廣州繁富號為東南都會雖有可守城池若帥臣已去誰與固守實為可慮臣方受命之初道里遼遠又所得任仕安兵纔千餘人難以分撥應援雖已遵依近降指揮許依江東路安撫大使畫一差兵二萬人旋行踏逐方具奏請聽候指揮

三十一

十一

葉六

無由目下使得齊集深慮應援有失機會曹成賊馬為二廣之患滋大萬一廣州或致失守自餘州郡多無城池皆須望風奔潰其害有不可勝言者臣輒有愚慮仰瀆天聽臣竊見福建江西荆湖宣撫副使韓世忠行軍整肅忠勇有謀曹成劇賊十餘萬衆除老弱脅從婦女外能戰兵尚二萬餘人使其餘將士當之未必能有濟欲制此賊或招或捕非世忠不可今世忠統兵已到虔吉筠袁間深恐拘礙路分止在荆湖不敢前去廣南則曹成為二廣之患其勢未艾

伏望 聖慈矜憐廣南兩路生靈之衆在今日爲  
朝廷腹心之地不可不早加料理特降 眷旨令世  
忠不拘路分量留人馬照應荆湖外盡將所部取便  
道前去應援廣東措置曹成一則軍馬已集可以目  
前使喚二則道里已近可以指期而至臣愚竊謂  
朝廷今日應援廣東之策無以加此又廣東素號瘠  
薄應副大軍錢糧必致闕乏世忠旣行福建江西荆  
湖宣撫司將剗刷到錢糧可以通融應副此又軍期  
所須之大者如合 聖意乞作 朝廷措置用金字  
牌入遞付世忠施行臣已具奏遵稟 聖旨許依江  
東安撫大使畫一指揮踏逐人兵如蒙 朝廷應副  
亦乞用金字牌降下 勅劄庶幾早得齊集可以與  
世忠聲援相接二廣早見平定

小貼子

契勘福建江西荆湖宣撫司與荆湖廣南宣撫  
司兩司不相節制如蒙 聖慈從臣所請令韓  
世忠前去廣東招捕曹成乞降指揮令與臣關  
報事宜同共措置庶幾不相違戾有所協濟仰

副委任之意伏候 勅旨

乞令韓世忠相度入廣西招捕曹成奏狀  
今月二十七日准尚書省劄子江南西路安撫大使  
李回奏繳到岳飛狀准江南西路安撫大使司牒三  
月二十二日准樞密院三月四日劄子奉 聖旨令  
岳飛到袁州更切斟量賊勢如賊兵衆且於袁州駐  
劄候宣撫司人馬到同共進兵如曹成已受招安起  
發赴 行在即與馬友會合同共勦殺劉忠訖續往  
潭州無致稍失機會却致賊兵破壞二廣飛一行軍

三十一

十三

注全

馬已到衡州茶陵縣不住承准郴衡州桂陽監等處  
關報及飛亦差人體探得曹成已發人馬取三月十  
九日起發往全永州侵犯廣西界分并前軍人馬往  
賀州路前去其曹成中軍見在道州未有的實起發  
月日見不住放人四向虜掠殺人放火似此顯見曹  
成未肯便赴 行在意欲侵犯二廣作過今准前項  
公牒奉 聖旨指揮緣一行官兵已過袁州地里稍  
遠兼續於四月初三日准荆湖東路提刑司關報探  
得曹成賊馬已起離道州前去廣西飛除已差人體



探子細外今已進發往郴州桂陽監已來駐泊如曹成不赴行在及未入廣西飛便行措置進兵掩殺若曹成已入廣界不審令飛一行軍馬如何施行已具錄奏聞伏望 聖慈特降 睿旨付飛貴馮遵依施行

右勘會近據岳飛申到前項事理勘會曹成一行雖有五萬餘衆其少壯之人止僅二三萬四月二十六日已奉 聖旨令岳飛更切探伺如曹成委是不肯赴行在已侵入廣南地分即統率諸頭項軍馬取徑路併力追襲掩擊務在從長措置保護二廣無致稍失事機破壞廣南州縣仍令廣南東西路帥臣依已降指揮起發逐路洞丁刀弩手將兵士軍弓手民兵疾速躬親統率前來界首與岳飛會合併力夾擊并劄與孟庾韓世忠及臣措置施行者

右臣近據廣南東路安撫使林通轉運判官章傑申探報曹成賊馬已破賀州侵犯廣州界分占據懷集縣廣州事勢危急乞發兵應援臣已具奏聞竊見韓世忠治軍嚴整忠勇有謀少見其比乞令不拘路分

統率大兵前去廣東應援措置招捕曹成免致廣南  
兩路破壞州縣外今准樞密院劄下備奉前項 聖  
旨令岳飛更切探伺如曹成已侵入廣南地分即統  
率諸頭項軍馬取徑路併力追襲掩擊務在從長措  
置保護二廣劄付孟度韓世忠及臣疾速措置置臣已  
關送福建江西荆湖宣撫使副及劄下岳飛恭依  
聖旨指揮施行訖契勘曹成一項賊馬最為桀黠外  
假聽從招納之名內有包藏窺覷之意占據道州半  
年有餘侵犯二廣其衆號稱十萬除老弱脅從婦女  
之外可戰之兵猶有二萬餘人既為大兵所逼遂有  
乘虛深入二廣之計廣西猶有洞丁刀弩手兵將之  
屬可以控遏廣東兵力實為單弱難以支吾深慮州  
縣望風奔潰為害不細今雖已降指揮令岳飛統率  
諸頭項人馬追襲掩擊竊慮岳飛所率兵數不多錢  
糧闕乏未必能濟非得韓世忠統率大兵前去措置  
應援及將福建江西荆湖宣撫司劄刷到諸路錢糧  
通融應副深恐未能早見招捕了當兼契勘曹成本  
係荆湖盜賊只緣大兵所逼遂犯廣南若拘以路分

謂目今作過不係荆湖地分即是以鄰國為壑恐非  
朝廷銷弭內患之意臣今欲乞自 朝廷降指揮令  
世忠相度如大兵目今已在湖南及筠表間即由全  
永入廣西路自桂府順流以趨廣州如大兵目今在  
虔吉間即由南安南雄英韶路順流以趨廣州可以  
遏賊之衝令岳飛統率軍馬由道賀追襲其後臣如  
蒙 朝廷應副畫一內所踏逐兵勾抽齊集亦可以  
由虔吉英韶前去封康循惠門隨宜措置禦賊奔迸  
與之協力進討不數月間須見了當却由便路趨湖  
南措置其餘盜賊不難平定伏望 聖慈特降 睿  
旨詳酌施行

小貼子

臣契勘廣南西路五十餘州舊號荒遠在今日  
實為要地今曹成侵犯若不早加措置招捕了  
當竊恐兩路州縣為賊殘破卒難經理兼兩路  
皆有僜人溪峒乘勢必須作過廣西與交趾相  
隣亦恐有所窺伺道里去 朝廷最遠將來兵  
力難及 朝廷不可不深留意於此伏乞

聖察

梁谿先生文集卷第



十三

十七

七



梁谿先生文集卷第

表劄奏議

賀 天申節表

功德疏附

乞以江西錢糧應副荆湖贍軍奏狀

乞降 旨林適劄下錢米存留本路支用奏狀

乞差內侍一員承受發來文字奏狀

將帶軍馬之任奏狀

再乞差使臣齎旗榜招撫曹成及論招捕盜賊

奏狀

乞依近降指揮乞兵二萬人措置招捕曹成奏

狀

乞撥顏孝恭軍馬付本司使喚奏狀

乞差撥兵將前去廣東招捕曹成奏狀

賀

天申節表

功德疏附

臣某言伏遇 天申節者帝出乎震與物爲春天作

之君惟民其乂適屆誕彌之月咸傾善禱之心矧蒙

眷主之知嘗叨近輔仰祝 聖人之壽敢後華封臣

某誠歡誠抃頓首頓首恭惟 皇帝陛下德合乾坤

明並日月昭受維新之命圖回復古之功以堯舜之  
用心法高光而建業照臨四海載當震育之辰壽考  
萬年永篤家邦之慶而臣誤蒙 中詔往守南藩莫  
陪鸞鷲以稱觴徒效葵藿之傾日

天申節功德疏

右伏以星虹流渚式昭誕聖之期鸞鷲鳴岐允協興  
王之運四海罄華封之祝一人膺景命之祥必藉勝  
因仰資 眷筭 皇帝陛下伏願後天難老長居履  
燾之功與物為春永寶好生之德復文武之境土享  
堯舜之歷年萬壽無疆四方來賀

乞以江西錢糧應副并湖贍軍奏狀

右臣伏蒙 聖恩除荆湖廣南路宣撫使兼知潭州  
於潭州置司竊原 朝廷令臣宣撫四路之意蓋緣  
荆湖南北兩路累年為盜賊蹂踐州縣殘破錢穀闕  
絕欲令將廣南東西兩路財賦經理荆湖使之養兵  
賑民葺理州縣早得就緒規略甚遠今則不然荆湖  
盜賊如曹成一項十數萬人既壞荆湖諸州又侵廣  
南界分破擾連賀侵逼廣州其勢未艾非得大兵

特降 眷旨令未得施行已椿管錢米等並未得起  
發且存留本路應副大兵支用候將來盜賊平定財  
用有餘別行相度措置庶幾不致闕誤

乞差內侍一員承受發來文字奏狀

右臣伏蒙 聖恩除臣荆湖廣南路宣撫使見起發  
前去之任竊緣荆湖廣南見今軍興招捕盜賊 朝  
廷劄降指揮與本司奏請文字皆係軍期急速荆湖  
南北廣南東西四路去 行在道里最遠雖入急遞  
例多稽遲實封奏狀赴都進奏院通進司投進經隔

三十一

卷

四

劉

官司候時刻亦有留滯竊慮申奏事宜等待報應  
坐費時月有失機會伏望 聖慈特降 眷旨許臣  
申奏如係事干軍期急速聽徑赴內侍省投進差入  
內內侍省一員專一承受所有 朝廷劄降 聖旨  
指揮並用金字牌入急脚遞不得入鋪星夜傳送前  
來庶幾報應疾速不致誤事

將帶軍馬之任奏狀

准紹興二年二月八日尚書省劄子二月八日三省  
樞密院同奉 聖旨李某除觀文殿學士荆湖廣南

路宣撫使兼知潭州仍於本州置司不候受 告般  
家接人前去之任逐路兵馬並聽節制仍具已起發  
及到界首文狀申尚書省臣恭依前項 聖旨指揮  
已具奏聞擇定五月初六日起發今來已於五月初  
六日申時起離福州將帶統制官任仕安軍馬由南  
劍州邵武軍迤邐前去之任外須至奏 聞者

再乞差使臣齎旗榜招撫曹成及論招捕  
盜賊奏狀

據廣南東路經略安撫使林道中契勘曹成人馬昨  
占據湖南道州後來移軍往廣西賀州駐劄日近常  
遣遊騎散行劫掠廣西數郡及迤邐侵入本路封連  
州界兩路居民並各逃散耕種失業今來適除已恭  
依 聖旨指揮一面躬親統率將士等起發前去緣  
本路將兵不滿千人近蒙 朝廷令宣撫司分撥高  
舉兵馬應援累遣催促至今未見到來其曹成賊馬  
動是萬衆竊慮支吾不前蹂踐州縣卒未休息爲本  
路生靈之患近承廣西經略許中牒據曹成狀供申  
吳宣撫已被受 朝廷 詔旨令赴 行在乞行發



遣後來宣撫司已出給發遣曹成前去 行在一宗  
文字付曹成於三月二十日起發到寧遠縣因知道  
州向子志將近降捕捉賞大書揭榜路傍致曹成復  
回賀州爲無糧食不免散行抄掠近聞曹成軍中頗  
有自新之意適除已逐急具狀奏聞乞速降指揮差  
官由廣東路前來招撫曹成一軍除放散虜略外所  
有堪用之人選擇少壯亦得添助 朝廷勾喚使用  
不惟保護兩路財賦全活數州百姓而戢兵安民爲  
利實大甲本司乞速賜差官前來招撫以紓兩路之  
急須至奏 聞者

右臣契勘昨來荆湖羣盜唯曹成人數最多曹成侵  
逼嶺外唯廣州事體最重故今日招捕盜賊先後緩  
急之序臣謂當以經營曹成救援廣州爲急曹成十  
萬之衆除老弱婦女外能戰之兵不下二萬今據廣  
南東路經略安撫使林通前項申述已侵入本路封  
連州界若便行進兵掩擊賊必聞風奔衝南向不唯  
先犯廣州而廣南東西兩路州縣必皆受害臣以謂  
經營曹成軍馬先須招撫爲策之善緣招安巨寇

必得重兵先張形勢示以國威使之畏伏若止欲懷以姑息之恩賊衆必不肯投戈解甲分散徒黨如此是目前名為招安必貽後日之大患臣請以近事驗之昨趙延壽未到德安府願從陳規與撫諭官馮轡招安既近州城規知德安兵數不多遂乘規出城餞轡輒謀驅虜規僅以身免官更多為延壽所得張琪自繁昌歷建康湖杭千有餘里必要赴呂頤浩軍前招安劉光世韓世忠等招之皆不聽命假道徽州不敢入城秋毫無犯其意可謂確矣及至祈門浮梁見

巨師古等兵衆不多遂劫盟以執師古直犯饒州賴闡臯力戰方退復領餘黨猖狂於宣徽之間久之方定以此可見盜賊狼子野心叛服無常要當壓以重兵始免反覆臣蒙 恩除荆湖廣南路宣撫使兼知潭州見今止有撥到任仕安一頭項軍馬計一千三百餘人雖已具奏遵依近降 聖旨指揮許依呂頤浩昨任江東安撫大使畫一踏逐軍馬至今未奉回降指揮其元降 聖旨許就用吳敏措置下兵糧體問得除廣西見在兵將外亦別無措置下軍馬道路

寫遠見今阻隔卒難辦集竊恐遷延日月賊勢益張而臣誤蒙委寄之重深慮事失機會若一處帥府失守益難料理乞降 睿旨從臣所乞踏逐軍馬外更自 朝廷差撥一軍整齊兵將付臣使喚臣又嘗奏論韓世忠忠勇有謀治軍嚴肅可以倚仗今若委世忠進發廣東以援廣州使臣同共措置招撫則曹成之衆可以放散老弱揀擇強壯充兵分隸軍中指日可定緣世忠係宣撫福建江西荆湖路非得 朝廷指揮恐不敢出本路界以援二廣不唯二廣州縣未

甚殘破速當保全而荆湖劇賊皆視曹成以爲叛服若招撫曹成已定全得二廣則荆湖兩路盜賊或招或捕皆易爲力顧曹成桀黠擁衆數萬非世忠全軍聲勢之壯未易使之聽從臣前所謂當以經營曹成救援廣州爲急者此也臣前已遣人齎金字牌黃旗黃榜前去荆湖委岳飛差人入曹成軍中招諭計程不久當到又慮道路或有阻節今據林適前項申述臣已逐急再遣人齎金字牌黃旗黃榜由廣東路前去招撫曹成伏望 聖慈詳酌前後奏請早降 睿

旨施行臣見起發建昌軍等處聽候指揮

### 小貼子

契勘荊湖州縣殘破略遍廣帥府各係全盛  
處若蒙朝廷許令韓世忠前去救援即乞降  
指揮指定從虔韶州路赴廣州屯泊免致賊馬  
奔衝保全廣州即廣東州郡皆恃以安伏望

睿慈詳酌早降指揮

乞依近降指揮乞兵二萬人措置招捕曹

成奏狀

准樞密院閏四月二十六日劄子福建江西荆湖南  
北路宣撫使司申契勘曹成占據湖湘之久已奉

聖旨發赴行在近因岳飛倚本司大軍之勢提兵  
壓境遂致疑貳遠領羣黨南去今收李回書報已犯  
連州臆度其計決窺二廣且軍興已來郡邑多經殘  
破二廣幸無兵火深慮民物將被其害伏望聖慈  
速賜睿旨措置施行勘會宣撫司大兵未到湖南  
之時曹成已是不伏招安不肯前來赴行在侵犯  
二廣勢已猖獗遂降指揮令岳飛統率諸頭項人馬

前去掩擊又據探報曹成賊馬已占據賀州侵犯昭  
連州界作過續降指揮令兵飛依已降指揮取徑路  
前去廣南併力追襲務要早得殄滅不致侵擾州縣  
其合用錢糧委逐路漕臣多方那融協力應副仍劄  
與宣撫司去訖今來宣撫司人馬約程已到湖南閏  
四月二十四日奉 聖旨令宣撫司斟酌賊勢如岳  
飛孤軍難以破賊即疾速分撥人馬前去策應務要  
勦除淨盡保全二廣仍劄與李某疾速由廣東前去  
保護本路及令宣撫司期約廣西許中起發本路軍  
兵及洞一等併力會合掩殺去訖劄送臣依已降指  
揮疾速施行須至奏 聞者

右臣契勘昨奉 聖旨令相度取道廣東之任就令  
撫定廣東州縣臣已遵依相度奏聞未奉回降指揮  
間據廣東經略安撫使林適申曹成侵犯賀州及懷  
集縣已具陳述措置曹成招捕利害聞奏外今准前  
項指揮臣已恭依 聖訓起發前去廣東州軍措置  
撫定緣臣見帶軍馬止有任仕安一項計一千三百  
餘人除火頭輜重外結成隊伍不滿千人雖依 朝

廷近降畫一指揮踏逐人兵並未蒙差到亦無近上  
可使將官委是兵力單弱使喫不行其曹成賊馬萬  
數浩瀚設若不就招撫為岳飛等逼逐奔突二廣廣  
西猶有峒丁土兵刀弩手等可以防遏廣東將兵孱  
弱除廣州外其餘州郡並無城壁可守非得重兵豈  
能挫遏賊鋒保護兩路況臣謬蒙 聖恩宣撫荆湖  
廣南委寄之重深慮無以遠將明命宣暢國威使巨  
寇望風震服萬一與賊相遇勢當掩擊亦須軍馬俵  
布得着方免踈虞兵法十則圍之倍則戰今以千兵

而當十萬之衆是以一當百雖古名將能以少擊衆  
亦難成功况臣書生不諳行陣徒以嘗備位宰相特  
蒙棄瑕錄用使之撫定一方今日職事動繫國體與  
戰將偏師僥倖一時之利者自不同科其所乞之兵  
未敢全望依 朝廷近降畫一指揮滿二萬人數時  
下且得萬餘人分為五軍粗成軍容張大聲勢鼓行  
而南庶幾亦可指授將佐乘機制變施設方略保全  
二廣仰寬 陛下南顧之憂若只令臣以任仕安千  
餘衆苟且將帶前去竊恐虛受重責伏望 聖慈

矜察特降 睿旨檢會臣依近降畫一累奏踏逐將  
兵早賜指揮更自 朝廷差撥一軍整齊兵將付臣  
使喚臣見迤邐前去聽候回降指揮

小貼子

臣契勘樞密院劄子內備奉 聖旨令福建江  
西荆湖宣撫司斟量賊勢分撥人馬策應岳飛  
上工戶差兵合自南雄英韶前去廣州稍可捍  
禦賊馬保全廣東乞降 睿旨令差撥隨逐臣  
前去聽受節制庶幾藉其兵力諸事易為措置

如蒙 聖旨允臣所請乞用金字牌降下施行  
乞撥額養恭軍馬付本司使喚奏狀

右臣契勘昨奉 聖旨許用江東安撫大使呂頤浩  
畫一指揮內一項踏逐差兵二萬人臣本司已具奏  
踏逐辛企宗閻阜等軍至今未奉回降指揮近聞辛  
企宗閻阜等軍馬皆已為福建江西荆湖宣撫使司  
抽撥分隸諸將無可指準其餘所乞朱師閔郝晟李  
山等兵人數不多亦未蒙差到今准樞密院劄子緣  
曾成侵犯封連等州閏四月二十四日奉 聖旨令

臣徑自廣東前去保護本路緣臣所帶任仕安軍馬止一千餘人兵力單弱事勢急迫別無可以踏逐竊見新除湖北路安撫使劉洪道見將帶崔邦弼顏孝恭兩項軍馬在建昌軍駐泊以鄂州糧食闕乏未曾之任乞降指揮就近撥顏孝恭一項軍馬付臣使喚却就江西別撥將兵與劉洪道庶幾臣可以即行勾喚早得齊集發付廣東兼湖北路軍馬自合聽臣節制伏望 聖慈特降 眷旨施行

乞差撥兵將前去廣東招捕曹成奏狀

今月四十五日准樞密院五月二日劄子節文廣西路經略使司申節次據統制官楊友等申探報曹成賊馬約十萬餘衆起離道州攻破賀州逼近昭州界分本司除見整齟人馬極力捍禦况曹成數衆賊馬嘯聚日久勢力兇盛本路人兵素來單弱委實不敵難以支吾已累申牒宣撫使李某廣東路安撫使岳飛去外伏望 朝廷體念二廣生靈之衆速賜指揮催督諸頭項人馬兼程前來與本路兵將併力會合早獲撲滅免致賊徒殘破以南州縣除已具奏聞外候



指揮小貼子稱照會曹成作過累年既就招安旋復  
變亂者前後凡七 次昨自攸縣驅虜帥臣向子諲  
占據道州挾使移文稱奉帥司指揮移軍就糧及自  
牒廣東州郡節說移軍因依詐出文榜焚戢侵陵其  
實搜源剔數無有遺類備錄召赴 行在 詔書申  
三路宣撫吳觀文而修立寨柵濬治壕塹爲遷延之  
計今賀州稍有常平米斛賊既得食姑且偷生既變  
之後或傳又有奏陳必肆詭說萬一 朝廷愛惜生靈  
許以自新非有重兵彈壓驅逐必亦未肯解散伏望  
特降指揮催督諸處大兵速至會合若果就招安即  
令解甲分散黨類不然則痛行掩殺期於淨盡庶幾  
兇徒知有畏憚勘會已累降指揮令岳飛統率諸頭  
項人馬前去廣南併力追襲其合用錢糧委逐路漕  
臣多方那融應副閏四月二十四日又奉 聖旨令  
宣撫司斟量賊勢如岳飛孤軍難以破賊即疾速分  
撥人馬前去策應務要勦除淨盡保全二廣仍劄與  
李其疾速由廣東前去保護本路及令宣撫司期約  
廣西許中起發本路軍兵及峒丁等併力會合掩殺

去訖今劄送荆湖廣南路宣撫使李觀文依已降指揮疾速由廣東前去保護本路仍具已起發去處日時申樞密院須至奏聞者

右臣契勘昨准尚書省劄子勘會已降指揮福建江西荆湖南北路宣撫使副孟庾韓世忠統率大軍自温州起發迤邐入江西由洪袁州前去湖南措置盜賊今來新除荆湖廣南路宣撫使李其見在福州前去之任其經由路分理合照應四月七日三省同奉聖旨令李其將帶任仕安軍馬疾速起發依已降指

揮相唐由汀道州就令撫定廣東經過州縣前去之任臣竊詳是時曹成占據湖南道州未曾侵犯廣東界分 朝廷之意止是欲臣與孟庾取道相避事體不至相妨近來累次樞密院劄子備奉 聖旨以曹成賊馬侵犯 廣攻破賀州逼近封連等州令臣疾速前去廣東保護本路是今日發遣臣取道廣東之意與近降指揮全然不同所將帶軍馬亦須量度事勢添差應副竊緣曹成賊馬據湖南二廣諸處申報皆稱有十萬餘人 朝廷近降指揮亦言能戰之兵

約及三萬夫以三萬必死之寇而使臣以元降指揮  
將帶任仕安下千餘人兵往遏其鋒保護廣南兩路  
事豈能濟除已具奏依 朝廷降到許依呂頤浩昨  
任江東安撫大使盡一踏逐兵二萬人旋行踏逐辛  
企宗閩軍朱師閔郝最李山等軍馬約八九千人至  
今未奉回降指揮不見得 朝廷差撥應副數自竊  
慮別有拘礙占留不足元踏逐之數今來廣東事勢  
危急臣被奉 聖旨指揮前去難以等待別行踏逐  
欲乞 朝廷勅會應副不足之數速降指揮就江西  
安撫大使下逐急摘那數頭項得力兵馬湊足元數  
聽臣總領前去廣東措置曹成使喚免致往回待報  
坐失機會其上件辛企宗閩軍等軍馬已係福建江  
西荆湖宣撫司抽摘分撥前去如已蒙 朝廷差撥  
應副亦乞明降指揮依舊盡數撥還庶幾不誤指揮  
伏望 聖慈特降 睿旨施行

小貼子

契勘辛企宗下軍馬類皆精銳但企宗怯懦不  
能駕御用之士卒以抑而不用之故多懷怨憤

如蒙 朝廷撥付臣使喚即乞別擇近上統制  
官將領伏望 聖察

梁谿先生文集卷第六十一



八十七

刘元





